



13 Ogos 2012
13 August 2012
P.U. (A) 254

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN MAKANAN HAIWAN (KAEDAH MENGANALISIS MAKANAN HAIWAN DAN BENTUK PERAKUAN ANALISIS) 2012

FEED (METHODS OF ANALYSIS OF FEED AND THE FORM OF CERTIFICATE OF ANALYSIS) REGULATIONS 2012



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA MAKANAN HAIWAN 2009

PERATURAN-PERATURAN MAKANAN HAIWAN
(KAEDAH MENGANALISIS MAKANAN HAIWAN DAN BENTUK PERAKUAN ANALISIS)
2012

SUSUNAN PERATURAN-PERATURAN

Peraturan

1. Nama
2. Tafsiran
3. Kaedah menganalisis
4. Pengambilan dan penyerahan sampel
5. Uji semula sampel untuk pengesahan
6. Perakuan analisis

JADUAL

AKTA MAKANAN HAIWAN 2009

PERATURAN- PERATURAN MAKANAN HAIWAN
(KAEDAH MENGANALISIS MAKANAN HAIWAN DAN BENTUK PERAKUAN ANALISIS)
2012

PADA menjalankan kuasa yang diberikan oleh perenggan 53(2)(h) Akta Makanan Haiwan 2009 [Akta 698], Menteri, setelah berunding dengan Lembaga, membuat peraturan-peraturan yang berikut:

Nama

1. Peraturan-peraturan ini bolehlah dinamakan **Peraturan-Peraturan Makanan Haiwan (Kaedah Menganalisis Makanan Haiwan dan Bentuk Perakuan Analisis) 2012**.

Tafsiran

2. Dalam Peraturan-Peraturan ini, melainkan jika konteksnya menghendaki makna yang lain—

“makmal yang ditetapkan” ertinya makmal yang ditetapkan oleh Menteri di bawah seksyen 33 Akta.

Kaedah menganalisis

3. (1) Makmal yang ditetapkan hendaklah menggunakan suatu kaedah ujian yang diakreditasi.

(2) Jika tiada kaedah ujian yang dinyatakan di bawah subperaturan (1), kaedah ujian yang standard hendaklah digunakan.

Pengambilan dan penyerahan sampel

4. Bagi maksud analisis, seseorang pegawai diberi kuasa hendaklah mengambil sampel apa-apa makanan haiwan atau bahan tambahan makanan haiwan mengikut seksyen 32 Akta dan hendaklah menyerahkan sampel tersebut ke makmal yang ditetapkan dalam keadaan seperti berikut:

- (a) menggunakan borang penyerahan sampel dalam Borang 1;
- (b) menandakan sampel dengan butir-butir seperti yang berikut:
 - (i) nombor pengenalan sampel;
 - (ii) saiz sampel, seperti yang ditetapkan dalam seksyen 36 Akta;
 - (iii) tarikh dan masa sampel diambil; dan
 - (iv) nama dan tandatangan pegawai diberi kuasa;
- (c) mengelak sampel dengan betul; dan
- (d) menghantar sampel secara sendiri atau melalui pegawai diberi kuasa yang lain.

Uji semula sampel untuk pengesahan

5. Pemilik makanan haiwan atau bahan tambahan makanan haiwan boleh memohon kepada juruanalisis daripada mana-mana makmal yang ditetapkan yang lain untuk uji semula sampel di bawah peraturan 4 menggunakan Borang 2.

Perakuan analisis

6. (1) Perakuan bagi sesuatu keputusan analisis hendaklah dalam Borang 3.
- (2) Salinan perakuan analisis yang dibuat di bawah Peraturan ini atau pengeluaran semula baginya tidak boleh dipamerkan atau digunakan sebagai iklan.
- (3) Mana-mana orang yang melanggar subperaturan (2) melakukan kesalahan dan boleh, apabila disabitkan, didenda tidak melebihi sepuluh ribu ringgit atau dipenjarakan selama tempoh tidak melebihi dua tahun atau kedua-duanya.

JADUAL

BORANG 1
[perenggan 4(1)(a)]

BAMH 53(2)(h)01

AKTA MAKANAN HAIWAN 2009

PERATURAN-PERATURAN MAKANAN HAIWAN
(KAEDAH MENGANALISIS MAKANAN HAIWAN DAN BENTUK PERAKUAN ANALISIS) 2012

PENYERAHAN SAMPEL UNTUK ANALISIS

No. Rujukan:

Kepada,

Juruanalisis,

.....
.....
.....

Penyerahan Sampel Makanan Haiwan atau Bahan Tambahan Makanan Haiwan untuk Analisis di bawah Akta Makanan Haiwan 2009 dan Peraturan-Peraturan Makanan Haiwan (Kaedah Menganalisis Makanan Haiwan dan Bentuk Perakuan Analisis) 2012

Butiran berikut bagi sampel dengan ini diserahkan untuk dianalisis—

Nombor pengenalan sampel	Tarikh dan masa diambil	Jenis sampel	Saiz sampel (berat/kuantiti)	Bentuk fizikal

2. Sampel diserahkan untuk tujuan

.....

(jenis analisis).

Tarikh:

Tandatangan:

Nama pegawai Diberi Kuasa:

Saya, yang menandatangani di bawah ini telah menerima sampel makanan haiwan atau bahan tambahan makanan haiwan yang tersebut di atas untuk dianalisis di bawah Akta Makanan Haiwan 2009 atau Peraturan-Peraturan Makanan Haiwan (Kaedah Menganalisis Makanan Haiwan dan Bentuk Perakuan Analisis) 2012.

Tarikh dan masa:

Tandatangan:

Nama Juruanalisis: